

Kalaallit Nunaanni aatsitassarsiorfinnut aatsitassanullu nuna tamakkerlugu malittarisassaqartitsinissamik Naalakkersuisut inatsisissamik siunnersuuteqarnissaannut peqqussuteqarnissamut Inatsisartut aalajangiiffigisassaattut siunnersuut.

(Inatsisartunut ilaasortaq Juno Berthelsen, Naleraq)

Akissuteqaat

(Nunanut allanut, Inuusutissarsiornermut, Aatsitassanullu Naalakkersuisoq)

Siullermeerneqarnera

Naalakkersuisut sinnerlugit Juno Berthelsen, Naleraq, Kalaallit Nunaanni aatsitassarsiorfinnut aatsitassanullu suliaasaqarfimmut maleruagassat pillugit aalajangiiffigisassatut siunnersuummut matumunnga suliniuteqarsimaneranut qutsavigaara.

Aalajangiiffigisassatut siunnersuummi tikkuarneqartut, aatsitassarsiorfinnut teknikkikkut piunasaqaatit pillugit Kalaallit Nunaanni maleruagassaqaanngilaq. Aammalu maleruagassani ataatsimoortuni suliaasaqarfimmi ersarissunik maleruagassanik aalajangersaanissaq naleqqutissasoq, Naalakkersuisut siunnersuuteqartoq isumaqatigaat.

Maannakkorpiaq suliassanut ataasiakkaanut ataasiakkaatigut atugassarititaasunik, nunat allat inatsisai isumassarsiorfigalugit sularineqartunik aammalu najukkami pissutsit pisinnaatitsissummillu pigisaqartup ingerlatassanut pilersaarutai tunngavigalugit suliassamut naleqqussagaasunik, aalajangersaasoqartarpoq.

Ersarissunik maleruagassaqaarneq suliffissuarnut allaffissornermilu iluaqutaasussaavoq. Suliffissuit sioqqutsisumik piunasaqaatigineqartunut naleqqussarsinnaassapput aammalu aatsitassarsiorfissamik sanaartornermut ingerlatsinermullu atatillugu aningaasartuutissat pitsaanerusemik nalilersinnaassallugit. Aammalu aatsitassarsiorfissanut tamanut maleruagassat assigiissaarneranni allaffissornermi maleruagassat akuerineqartut iluanni paasisimasaqaarneq inerisarneqarsinnaassaaq. Aammattaq maleruagassat aalajaatsuuppata nalinginnaasumillu atuullutik, ilinniartitaanernik naleqquttunik neqerooruteqarnissamut periarfissat nukittorsarneqassapput.

Aalajangiiffigisassatut siunnersuummi siunnerfigineqarpoq nunamik allamik inatsisai assilineqarsinnaasumik toqqaasoqassasoq.

Tamanna naleqqutinngitsutut nalilerneqarpoq, tassami nunap allap inatsisai najukkani pissutsinut toqqaannartumik nuutinneqarsinnaanngimmata. Ilaatigut nunami sumiiffitsigut assigiinngissuteqaarneq pissutigalugu, ilaatigullu inatsisiliortarnermi ileqqut assigiinngitsuunerat pissutigalugu. Nunat allat inatsisaasa isumassarsiorfigineqartarnerat, immaqalu maleruagassat allat ilaasa assilineqartarnerat, paasinarpoq, kisianni naalakkersuinikkut maleruagassat tamakkerlugit toqqaannartumik nuutinneqarsinnaanngillat.

Tamatuma saniatigut maleruagassat tamakkiisut, aatsitassarsiorfinnut suliffissuaqarnermut teknikkikkut piunasaqaatitaqartut, annertoorujussuusussaapput aammalu maleruagassanik taamaattunik ilusilersuinissamut immikkut ilisimasalinnit avataaneersunit ikiorneqarnissaq

pisariaqartussaalluni. Taamaattumillu suliassaq 500.000 koruuninik aningaasaqarnikkut atugassaqaarnissap siunnersuutigineqartup iluani suliarineqarsinnaassanngitsoq naliliisoqarpoq.

Tamanna tunngavigalugu allannguutissatut siunnersuut manna saqqummiunneqarpoq:
Aatsitassarsiorfinnik aaqqissuussinissamut teknikkikkut piumasaaqatitalinnik maleruagassanik suliaqaarnissamut inassuteqaateqarluni aningaasalersuinissamullu siunnersuuteqarluni nassuiaammik, UPA2027-mi saqqummiunneqartussamik, suliaqaarnissamik Naalakkersuisut peqquneqassasut.